



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აბრსკილის მღვიმე



აბრსკილის მღვიმე

აბრსკილის მღვიმე, კარსტული მღვიმე ოჩამჩირის მუნიციპალიტეტში (აფხაზეთის არ), მდ. ოტაფის აუზში, ფანავის ქედის სამხრ. მთისწინეთში. სოფ. ოტაფიდან 1,5 კმ.

გამომუშავებულია ზედაცარცულ შრეებრივ კირქვებში, ზ. დ. 210 მ სიმაღლეზე. ა. მ-ში მკაფიოდ გამოიყოფა ძირითადი მეანდრირებული გრძელი გასასვლელი (საშ. სიგანე 3 – 60 მ, მაქს. სიმაღლე 20 მ), რ-იც 1710 მ-მდე გრძელდება და სიფონებით იხშობა. ჭერის ჩამონგრევის ადგილებში მოზრდილი დარბაზებია: „აბრსკილი“ (გადმოცემით აქ, ერთ-ერთ სტალაგმიტზე, მიჯაჭვული იყო ლეგენდარული აბრსკილი), „ჭალებიანი დარბაზი“, „ფარდებიანი დარბაზი“, „მეანდრირების“, „გუმბათისებური“, „გიგანტური“ და სხვ. მღვიმის საპროექტო სიგრძე 2,5 კმ-მდეა, ფსკერის ფართ. 19, 1 ათ. მ², საერთო მოცულობა 95, 5 ათ. მ³. ა. მ-ში გაედინება მდ. აჩყითიზგო – დებიტი 45 ლ/წმ-მდე, წყლის სიღრმე 0,4 – 1,2 მ ფარგლებში მერყეობს, ტემპ-რა 12,5°C-მდეა. ა. მ. მდიდარია სუბტერალური ნალექებით. ცალკეული უბნები უხვად არის მორთული მრავალფეროვანი სტალაქტიური წარმონაქმნებით, მათ შორის არის ანომალური ფორმები, ძაფისებური სტალაქტიტები, კალციტის ფარდები, 8 მ სიმაღლის კარსტული სვეტი. პლასტ. თიხების სიმძლავრეა 3–4 მ. მიკვლეულია მღვიმური დათვის მთლიანი ჩონჩხი, მუსტიეს ხანის ქვის ხელნაჯახი და სხვ.

ა. მ. ერთ-ერთი უდიდესი და ულამაზესი მღვიმეა კავკასიაში.

ლიტ.: ტ ა ტ ა შ ი ძ ე ზ., წ ი ქ ა რ ი შ ვ ი ლ ი კ., ჯ ი შ კ ა რ ი ა ნ ი ჯ., საქართველოს კარსტული მღვიმეების კადასტრი, თბ., 2009; М а р у ა შ ვ ი ლ ი ლ. И., Пешера Абласкира - замечательное карстовое образование в Абхазии, «Природа», 1938, № 10.
